

2023

2024

# VASTELAOVES GEZÉT

Vastelaoves Vereinigung

De

## Rábbédábben

Haler-Uffelse

Jaargang 14

Januari 2024



# Rabbedab programma

Vastelaovesactiviteite waere  
mede óngersteuntj door

STICHTING  
**SDH** ALER  
ORPSHUIS

- 28 jannewari: Prinserecepsie (14.11 oor)
- 3 fibrewari: Bóntje Aovendj (20.11 oor)
- 8 fibrewari: Jeugdsleuteleuverdracht (18.30 oor)
- 9 fibrewari: Sleuteleuverdracht (19.00 oor)
- 10 fibrewari: Spaarkas lichte (20.30 oor)
- 12 fibrewari: Spek mit Eier & kiene (18.30 oor)
- 13 fibrewari: Dolle Dinsdig mèt Optocht (14.11 oor)
- 14 fibrewari: Hieëring happe (20.00 oor)

**2024**

ontwerp: Pepe

# Van de secretaresse...

## ...van de burgemeester...



Beste minse van Haler,

Dao zeen wae weer mit ein noew edisie vanne Vastelaoves Gezét. Gae höbtj dur weer efkes op mótte wachte, mer nummer 14 kintj gae noe van veur tot achter laeze. Wae kieëke teruk op ein sjoeën sezoeën nao ein sezoeën euvergeslaage te höbbe (en auch gein gezét bie uch aafgeleverd te höbbe). Ich merk waal det dur weinig gebeurdj is in ós sjoeën dörpke, want dur zeen get weinig stukskes veur de gezét aangeleverd. Ut is den auch ein dunner eksumplaar gewoore den gae van ós gewindj zeet. Mer wae zeen dur weer en det is den toch weer pozitief!

Laot ich den auch mer direktj eine orepup doon aan iddere laezer van dees gezét. Wae höbbe auch dit jaor weer eine jeugdraod dae mit de vastelaovendj veeurop geit, mit prins, prinses en adjudante. Tot zoëver gein probleem. Wae constatere waal det de jeugd ein bietje begintj op te raake. Dur noe nog gaon biemaake is get laat, want veurdet die in groep 7-8 zitte zeen wae weer jaore

wiejer en dao kinnen wae neet op wachte. Wae wille den auch de jeugd dur get langer bie betrékke en bie de raod haoje, dus auch wichter van 12-13-14-15 jaor zooje wae gaer bie de raod wille (blieëve) betrikke. Anges is ut zoea gedaon mit de jeugdraod en daomit kömptj óze vastelaovendj waal in ut piepzeekske te zitte.

Daonaeve zeen wae auch op zeuk nao groeëte minse die de Raod van Halluf Elluf wille kómme versterke. Sjroomtj neet, kóm dur geweuken bie en zörgtj mit die anger men van de Raod det dur vastelaovesactiviteite georganiseerdj waere!

Mer good, genóg sjaele zeiver. Op ut moment det ich dit stúkske tekst veur uch aan ut tikke böñ, zeen de Rabbedabbe drúk bezig mit de veurbereijinge van ut sezoeën 23-24.

Zoea as gezagdj höbbe wae weer eine fantastische prins en prinses mit adjudante. Wae gaon dur saame mit de jeugdraod en uch allemaol weer ein sjoeën fieëst van maake dit sezoeën.

Ich wins prins Cas I en prinses Femm mit de adjudante Raf en Liene en de rest van de Jeugdraod en auch die men van de Raod van Halluf Elluf in elk geval ein sjoeën vastelaovessezoeën toe! En uch allemaole auch neteurlijk!

En vergaet neet woearóm wae dit allemaol doon:

**Vraogdj uch neet aaf waat Haler vur uch kin doon,**

**mer vraogdj uch aaf waat gae vur Haler kintj doon!**



# Unne terukblik...(prins Luc II)



Na het aftreden van Prins Lard in 2022 werd ik gepromoveerd van adjudant naar prins, prins Luc de tweede. Het uitroepen was een top start van het carnavalsseizoen met prinses Dewi en adjudant Imara aan mijn zijde. Maar helaas, de rest van het seizoen was minder oftewel helemaal niets. Door corona werd toch alles weer afgelast.

Gelukkig voor mij mocht ik het in 2023 nog eens proberen om prins te worden. En ook prinses Dewi en adjudant Imara wilde met me mee doen. Ons eerste optreden was op de receptie van Hunsel, daarna volgden Ell, Ittervoort en onze nieuwe bondgenoot Stramproy. Het was telkens gezellig en lekker druk.

Op 29 januari was dan eindelijk mijn eigen receptie, wat een hoeveelheid mensen en cadeaus. Van heinde en verre kwamen ze (Amsterdam), prachtige speeches (nicht Donna) en als klap op de vuurpijl een concertje van ons Elturo, wat een feest en wat voelde ik mij speciaal.

De bonteavond was als vanouds geweldig, zoveel talenten binnen ons dorp. We hebben muziek gemaakt, gezongen en gedanst en natuurlijk veel gesnuikt.

De sleuteloverdracht.....geen woorden voor of kwam dat doordat ik hees was van het meezingen. Ik ben gebleven tot de lichten aan gingen.....'en ich goan noch neet noa hoes, noch lange neet, noch lange neet'. Niet

iedereen was daar even blij mee maar wat een feest was dat.

En dan nu carnaval zelf, wat een optocht weer. Zo veel deelnemers en zoveel toeschouwers, om kippenvel van te krijgen. En als je daar boven op de wagen staat, wat een prachtig zicht op alle feestvierders. Toen nog lekker hossen in de zaal tot ik niet meer kon. Echt een super tijd maar ja aan alles komt een eind. Een mooie tijd om op terug te kijken!

Ik wens de volgende prins en prinses veel plezier en succes.

# Unne terukblik...(prinses Dewi)

Ik vond het een hele eer om prinses te zijn. Ik heb er heel erg van genoten. Ik vond het soms wel een beetje spannend. Ik ben heel blij met mijn medailles en cadeautjes.



# Extra straum...

Der waas gein ontkome aan. Eederein in Haler mot ut gemerkjt hubbe. Hieël Haler-Zuid is oppe kop gezatte; van de Gruttostraot toet de Pinxtestraot. De reeje; extra straum.

Ein woearom den, zulthj gae dinke?

Os redaksie is op ongerzeuk gegange, en wae zeen der achter gekome.

Ein jong Halers stel oppe Fazantestraot, wae zulle ze veur ut gemaak Maurice en Janneke neume, spele ein centrale rol in dit gegraaf. Waat waas ut geval. Eedere murre, as Maurice met pups-ug de trap aaf kwoom sjravеле, den haaj der krom zin. Hae haaj ein ochtend-humeur. En Janneke is smurres altied zoea fris en fruitig wie altied, dus der akkordeerdje neet hieël good.

Janneke haaj al ein nuuj koffie-zet-apparaat gekocht om veur Maurice ein stranger teske koffie te kinne zette, mer det baadje gein ból. Om der eine kom-aaf aan te kriege, waas Janneke gaon goegele, en vonj bie bolpunktkom ein koffie-zet-apparaat det op krachtstraum mos dreijje.

En noe snaptj gae ut waal. Hieël de fazantestraot oppe kop om ein extra straum-kabel te trekke. EN asj gae good hubtj opgeletj (en wae vanne redaksie hubbe det gedaon), den hubtj gae kinne zeen det al dae extra straum nao dae prive-transformatorkast inne tuin van Maurice en Janneke geit. En veur de vorm haet Melvin nog get twieëdje-hanse zonnepanele oppe graasj gelag.



Dus minse, as gae smurres vreug Maurice op straat taege koomtj met pupille zoea groeat wie sjottelkes, den hooftj gae neet bezurdj te zeen det hae aan de drugs is. Nae, hae haet den net zien teske koffie oet.

# Kerboet-aksie...



# Möpke...

Ein stel wojo met de kinjer gaon oet aete. En oet good fatsoen waerdje schoënmooder auch oetgenuëd.

Mer ut botterdje neet zoea tussen mooder en sjoeanmooder. Det deej ut al jaore neet.

Dus gae kintj begriepe det ut toch ein bietje ein gespanne sfeertje waas, det dao aan taofel in det restaurant hing.

Wiej ut hoofdgerecht geserveerdj waas, wojo sjoeanmooder toch nog un poging wage om ut ies te breake. Ze haaj zich net ein lekker stukske vleis aan ut fersjet gepriktj en vroog luchtig: "Wat haaj ich auch al weer besteld? Hub ich noe ein stukske verkesvleis of ein stukske rindjsvleis aan mien fersjet?"

Woea-op de mooder, die duudelik gein zin haaj om de sfeer get gemaekelikker te make, dao boets baovenop zag: "Det liktj der aan, euver welke kantj van ut fersjet desse ut hubs."



# Buutte traai-out...

Op 4 november was der weer een buutte try-out aovendj inne Uffelse Meule georganiseerdj. Dae is bedoeldj veur buutte reedners om nog get aan hun buut te sjaave, veurdet ze met gaon doon aan de Groeate Limburgse Buuttekampioensjappe.

Ut waas eine sjoeane aovendj met 8 optraejes van 9 artieste, die allemaal geweljig hun best hubbe gedaon. John haaj ut good geregeldj in de Tiend sjeur. Der waas get te knabbele, der waas get te drinke, en der waas veural veul te lache.

Volgendj jaor zal der weer een buutte try-out aovendj zeen; op 2 november 2024. Asj gae der biej wiltj zeen, den mot gae oppe tied biej John aan de bel trekke, want vol = vol.



# Fotookes Sleuteleuverdracht...



# Bob de Bouwer...

Urres oppe Speltstraot woeantj eine mins dae de zachte 'G' neet kan oetspraeke mer waal kan verstaon. Dae mins haet in eeder geval eine linker handj (gein twieë) en dae dreitj hae neet om veur ein klusje hiej en ein klusje dao.

Hae fispernultj get aaf. Ein barbecue van ein aod olie-vaat; gein probleem. Ein kepelke inne veurtuin; zoea klaor. Ein alik zwumbad achterom; woea hubbe wae ut toch euver?

Mer as dae mins efkes nikks om henj haet, begintj ut um te jeuke.

Zoea auch weer aafgelaupe waek. Hae haaj bedacht det ut waal sjoean zooj zeen as der ein tuin-kas achterom gebouwdj waerdje. En den neet zon mottig kesje veur get eerdbieëre of ein halve komkommer. Nae ein duchtig, bienao aojerwets Victoriaans bouwwerk, met palmbuim en ein waterval. Wae vanne redaksie dinke det hae dao met zien vruike stiekum 'Tarzan en Zjeen' wiltj gaon speele.

Mer affeng. Det bouwwerk waas geine pongel dae zoea mer efkes inne grondj gehauwdj kos waere. Nae, ieërst waerdje de fundering gestortj. Daonao mos ein meurke gemetseldj waere, en op det meurke mos den ut regelwerk met de glaasplaate koome.

Mer asse geine metselieér bes, mosse neet metsele met raegen-waer, en al hieëlemaol neet asse neet alle rotzooj oppe bouwplaats opruums. Dus waas deze mins toch gaon metsele en litsdje hae oet euver eine snammel pleistik dae der neet haaj opgeruumdj. En ja, asse vels, den kumse doeán biej de grondj. Waas ut geluk of pech? Wae vanne redaksie zeen der neet euver oet, mer hae veel met ziene kop neet oppe grondj mer taege zien pas gemetseldje meurke. En omdat de spies al duchtig waas opgedruegdj, goof det meurke neet met. Biej-gevolg haaj dae mins ein duchtige snats inné kop. Hae bloodje wie ein verke. Hae volle sjarsj nao ut zeekehoes woea hae door zuster Carmen (Briels; red) gerusj waerdje gesteldj met de weurd: "Bin mer neet ongerusj, ut minslik lichaam bevatj 5 liter blood (asse 1 maeter 90 bis)..."

De snats waerdje met get steeksjes aan-ein geneitj, en hae kreeg een verbandj omme kop asof der tandjpien haaj.

Wae vanne redaksie hubbe gehuerdj det EN de bure EN zien vruike bliej woore det de verdauning waas oetgewerkt; ut waerdje namelik heerlik rustig dao oppe Speltstraot. Wae vanne redaksie hubbe auch gehuerdj det de Raod van half Elluf hooptj det ut verbandj der rap van ziene kop aaf kan, omdat anges ziene steek neet mieér pasj.

## Oetneuediging Receptsie...

Wae, Prins Cas I, Prinses Femm en adjudante Raf en Liene , höbbe de ieér óm uch oet te mooge neuedige op ós Prinselikke receptie.

Deeze waerdj gehajoje op **zunjig 28 jannewari** van 14.11 oor tot 16.11 oor.

Gae zeetj den hertelik welkom in:

### Ós Rabbedabben Pelieës

Zaal  
Ons Dorpshuis  
Pinxtenstraat 1  
6012RJ Haler



# Prinserecepsie 2022-2023...



# Funksie “elders”...

Waem haet det neet met gekrege? Det die voel-lep dao in Den Haag allerleitse planne haaje om bepaaldje personeen ein anger baan te bezurge.

Mer ut verhaol is toch get anges as wat toen in ut noets is gewaesj. Want ut ging om eemes oet Haler en neet oet Den Haag. Oos redaksie, die hie-j-met fenomenaal werk verrichtj, haet dees foto exclusief veur os gezet bewaardj en oetvergruetj.

Wae hope det Peter Paul zien dreij haet kinje vinje in zien ‘functie elders’, en wae winse um veul succes met een klas vol met tiktokkendje, whatsappendje, kaugom ae-tendje, en puisjes oet-niependje pubers!



## Loos alarm...

In Haler besteit der zoeaget as ein Buurt-preventie-app. In dae app groep kinne minse elkaar waarsjoewe as der get verdachts te zeen of te huere veltj in os durp. Zoa auch lets mieërt van dit jaor.

Ut bericht hie naeve ging rondj in die groeps-app. Minse woore echt ongerusj.

Wae van de redaksie haope det Mario dae avond good toes is gekome ....

### ➤ Vaak doorgestuurd

Er loopt vanavond een verdachte persoon rond die bij huizen naar binnen aan het kijken is. Vanuit Hunsel (Eikesstraat/Kleinhei) binnendoor richting Haler (Hostertstraat). Is gemeld bij de politie. Deze adviseerde aanliggende buurten via apps te informeren. Bij deze. Het betreft een grote, forse man (+/- 2 m) met een donkerblauwe jas met capuchon.

20:45

## Fotookes...



# Prins Marco I vanne Serdelunj...

Aafgelaupe jaor waas Marco Driessen biej os vrunj de Serdelunj oet Hunsel Prins.

Dae Marco woeantj naeve Hein Winters en det is gewuen kei-hel op Halerse grondj. Dus wie det den weer meugelik is?! Wae weite ut waal. Asse gein Prins-waerdige kwaliteit in dien eige durp hubs woeane, woea kinse det den baeter vinje as in Haler?!

Mer om noe op Halerse grondj ein Serdelunj-vlag te motte zeen wappere, sjoot ein deil van de Raod van Half-11 toch in ut verkieërdje kaelsgaat. Dao-op waerdje beslote det de Serdelunj-vlag aan de gevel biej Prins Marco I mos waere vervange door ein Rabbedabbe-vlag.

Zoea gezag, zoea gedaon. Op eine sjuuverechtige zunjig murre zeen wae vaonoet de Rabbedabbe nao ut hoes van Prins Marco I gegange, en hubbe met de hulp van de veurlaajer van Hein de vlagge omgewisseldj.

Met wie wae dao met de veurlaajer aan de gevel aan ut klommele woore, kwoom Prins Marco I toes. Wae veuldje os op heterdaad betraptj.

Marco pakdje ut sportief op, en saame hubbe wae dao ein lekker fleske Alfa-beer gedronke. Nao de vastelaovendj hubbe wae toch mer de vlagge weer truuq geruuldj.

En; wae hubbe Marco geadvizeerdj om det iezer dink aan de gevel, woea dae vlaggestek in zitj, get baeter vast te sjroeve, omdat um anges un kieér de hieële krempel van de moor weitj.



## Propeller Pé...

Ut waas unne zunjig in Mei, hiel get minse oet ut durp woare nao os durpschoes gekomme om te geneete van al ut naats waat der te kriege is. Aug woare der get stukke vleis vanne barbecue te kriege. Det haaje ze goot geregel dj die minse die in de stichting zitte.

Op eeder toafel stong de veurkantj van un vleegtuug. De propellers zoate dur nog aan. Mer woarom die doa op toafel stonge wist neemes. De ein bloas doa de loch dee bie un sjeetje deroet kwoom get verder euver ut terras de anger keulde der zien gezich mit. Want waat waas ut werm. ZOE zoage we vanalles gebeure mit die "propellers"

Op un zeker moment kwaam doa unne mins noa boete. Wie zulle we um numme? Ig dink det Pe B. zat is, want eederein zal hum waal kinne. Mer waat haaj dea P noe gedoan? Dea haaj zig zon propeller dink oppe kop gezatte. Of der ut noe werm haaj of det er wooj kieke of det hea dermit noa Rooj kos vleege zodet der in ut vervolg mit ut propeller-dink noa Haler kin komme in plaats van oppe fiets, wae vanne vasteloavesgezet weite ut neet waat hea gedacht heet.



Minse mog ge deze Pe B. deze vasteloavendj tege komme?

Vroag um den noa zien bedoeling. Den kinnen we dit mysterie oplossen.



# Prins Pieër I van de Waal...

Veurig jaor waas een aod-dorpsgenoot Prins gewoore in ut verzurgingshoes Catualiumhof in Hael. Same met zien Prinses Wilma I stong Prins Pieér I in ut midde van de belangstelling. En terecht. Zien liefspreuk waas:

“Met Prins Pieër vanne Waal, 3 daag kabaal”.

Det hubbe ze geweite dao in Hael. Ut waas eine sjoemeane middig en eine dolle boel met veul Vastelaovesmeziek en polonaises. Vanoet de Rabbedabbe is der een bezoek gebracht aan Prins

Pie  r I. Der waerdje medalies oetgewisseldj, woebiej Prins Pie  r I ein



kerboet actie van de Babbedabbe).

Wae weite zeker det Prins Pieér dao  
met die daag de zaak duchtig oppe kop  
haet gezatte

Ut waas sjoean om det te zeen en met  
te mooge make

# In Memoriam...

Auch dit jaor móste wae helaas weer aafsjieëd nömme van eine echte Halerse mins, Johan Deckers. Nao ein noodlottig bedriëfsóngeval is Johan oeteindelijk op 22 april euverleeje op väöls te jónge laeftieëd. Johan waas net 59 gewoore. Johan waas eine echte Halerse jóng, zat zich onnoemelijk in veur zien groeëte passie de handjboogvereinigung en waas idder jaor troew van de partie in de Halerse optocht es deilnömmer. In 1976 waas hae de Jeugd-prins van de Rabbedabben. Ut aafgelaupe sezoeën is zien létste gewaesj es deilnömmer aan óze optoch. Johan, bedanktj veur alles!



\* 3 februari 1964

+ 22 april 2023



# Dolle Dinsdag...optocht...



# Dolle Dinsdig...optocht...



## Sponsore...

**HETHOBYSCHUURTJE**



**Activiteitenboerderij**

Nico & Carin Rietjens

Lochterstraat 4 | 6012 RD Haler

0495-552282 | b.g.g. 06-36299112



[www.hethobbyschuurtje.nl](http://www.hethobbyschuurtje.nl)  
[carin@hethobbyschuurtje.nl](mailto:carin@hethobbyschuurtje.nl)



# Dolle Dinsdag...fieëst...



# Sponsoren



## Dolle Dinsdag...fieëst.....



# Winy bedanktj...



## Sponsore...

# Henderikx

UW GROENE  
vakwinkel

Weverstraat 5a Hunsel tel. 0495 786807



# HAR HENDRIKX

BOUW- EN TIMMERWERKEN

Telefoon: 0495—586 408


Mobiel: 0623—228 273



# Sponsore...



**BROEKMAN B.V.**



PLUIMVEE-ENTBEDRIJF  
**BROEKMAN B.V.**



# Sponsore...

**FL Security,**  
Gespecialiseerd in beveiliging op  
verschillende niveaus

Laagveld 2  
6014 DD  
Ittervoort



Wiltj gae es particuleer auch uch steinke biedraage aan de instandjhaoing van de Halerse Vastelaovendj, doneertj den

**€ 11,-**

op bankrekeningnummer NL 22 RABO 0138613532

# Donateur waere?

# Bóntje Aovendj...



# Sponsore...



**STRAOTERHOF**  
**BOERDERIJCAMPING**



# Proclamasie...

## Proclamatie Prins Cas I en Prinses Femm

### Cas:

Dees proklamaasie wil ich beginne met eine hieële dieke merci  
Aan Prins Luc II, Prinses Dewi en Adjudant Imara, want non de pie  
Die hubbe der veurig jaor get sjoearans van gemaaktj  
Die hubbe in Haler gefieëstj det ut kraaktj

### Femm:

Wae gaon dao dit jaor nog ins dun-kes euver haer  
En geluif mich minse, det doon wae hieël erg gaer  
Wae gaon os noe aan uch veur stelle  
Want wae hubbe hieël get te vertelle

### Cas:

Mien pap is eine Moeëreboek en mien mam ein Zaotmaal oet Roij  
Noe woane wae in Haler der percies tussen in, zjuust tegooi  
Ich hub euveral gewoeandj, in Hunsel, Wieërt, Rooij en Sydney  
Mer noe woean ich 'Op Kinnester', vlak bie Haler-city

### Femm:

Mam is een Rogstaeker, en pap is as Puinesjödder gebore  
Hae kos zoea good puine sjoefele, toen is hae mer hovenier gewore  
Ich woean al ein paar jaor oppe Kievistraot, met veul plezeer  
En gaon met ut fietske duk ut hieël durp op en neer

### Cas:

As keeper staon ich bie DFO'20 onger de lat en haoj eedere bal boete de goal  
De keeper Thibault Courtois van Real Madrid is den auch mien idool  
Ich hub auch ein favoriete club, mer durf det eigelik neet hel-op oet te spraeke  
Want det is Ajax, en die voetballe dit seisoen erg sjaemel; al versjillige waeke

### Femm:

Auch ich bin gek van voetballe, en staon biej Veritas op ut veldj  
Eedere wedstrijd weer, vleeg ich der in met veul geweldj  
Auch ich bin fan van Ajax, mer waal ut dames team, zoeas gae kintj begriepe  
En die staon neet op degradere, dus die hoove um neet zoea te niepe

### Raf:

Ut allerleukste is biej Brevendia as letste man de bal kei-hel nao veure knalle  
En ich bin ein groeate fan van PSV, die kinne teminste waal voetballe  
Ein paar kieér per jaor gaon ich met pap met nao ut combine racen  
As det neet is, kan ich nog altied met de quad biej pap inne wei sjeezen

### Liene:

Ich woean in Pinxthuuske; gae kintj det waal, ut hoes met de witte moor  
Dao in dae bocht van de doorgaondje waeg, al rieje sommige rechtdoor  
Op mien kamer haet ut getrokke ut det ut kaaktj  
Mer det is gedaon, noe pap ut daak haet gemaaktj



### Cas:

Thoes hub ich auch nog twieë zusjes. Ze heite Lize en Fleur  
Wie die huerdjie det ich Prins waerdje, woore die hieëlemaol veur



Ooze hondj Moos is miene vrundj. Dae is hieël slum en snaptj alles, maar ....  
As mam vreugtj: "Wilse nog appele, Moos?", den kiektj der hieël raar

**Femm:**

Ich hub nog ein zusje Rox, die zitj auch in de Raod van Elf  
Die geit met os met aan, det haet ze neet gelieërdj, det geit gewuen vanzelf  
Soms mot ich os hundjes oetlaote, det doortj mich duk te lank  
Ich speel leever boete, of zit te gamen oppe bank

**Samen:**

Gae hubtj ut kinne hueren; voetballe vinje wae ut sjoeanst van al  
Daorom hubbe wae noe ingesteldj "de Orde van de Vleegendje Bal"  
Same met os Adjudante Liene en Raf gaon wae komendje Vastelaovendj verop  
En zette den hieël Haler 3 daag duchtig oppe kop

En det alles onger os motto:



**Met dees daag rake wae de bal neet aan,  
mer gaon wae der mét uch flink tege-aan!  
Alaaf!**

## Ut daak duraaf...

Wae van de redaksie zooge pas geleje det bie Vorst Rik ut daak dur aaf waas. Noe heet Rik dao waal dékker last van, mer in dit geval waas ut toch ein biezónjer sjauwspel. De hieël straat waerdje dur veur aafgezatte, doa kos gein mins mieér door. En wie dae Rik bezig waas mit zien daak kwaame die van de weegebouw auch nog mer ins efkes langs om te vraoge, noe det dae



gein twieë kieér veur te bedinke. Én ein noew daak én ein noew straat, det gebeurdj dich toch auch neet idder jaor.  
Noe kin dur euver eine strakke weeg nao zieën strak daak kieëke es hae van de Sniekstraat nao hoës riedj.



weeg toch al aafgesloote waas, of Rik ut good vónj det ze auch mer directj efkes de straat opnoew deeje asfaltere. Dao hoofdje Rik zich

# Jeugddaag 2023...

Vriedig veur de herfstvakantie haaje we ein activiteit vur de jeugdraad, dit om os alvast weer ein bitje werm te kreege vur het vastelaovendssezoen. En werm waasj zeker, kiek mer 'ns nao de foto's.. beej dae barbecue en det jengaspel, we kregen het er heit van.

Aan het begin van de avond mochte we os verzamelen beej 't Hobbyschuurjtje. We begoste met eine oetgebredje barbecue met vul vleis, stekmik met kruujebotter, flink wat lepels saus, vul fruitsalade en naogenog gein greuntjes. Det was fijn!




Toen eederein de boek good dik haaj moste we nog gaon strijden. De jongens tegen de maedjes. Det waas nateurlijk ein bitje onieerlijk want er zeen echt vul mier maedjes!

Oeteindelijk hebben de jongens eine kieer gewonne met ein spel en de maedjes auch eine kieer, de stand bleef dus gelieek. Beej het leste spel kwoome de papa's en mama's alweer binnendruppen om os weer op te

halen en waas het jaomergenoog alweer gedaon. Het waas een super leuke eerste activiteit van dit sezoen, met dank aan het Hobbyschuurjtje, waobeej det eederein echt genoten heet, good gegaete en sportief is gewaesj. En de 'begeleiding' tja, die waas vural druk met vleisdreije en alle socials beej haoje..

Kieék die men mer 'ns starenao heure telefoon.



## Camping konkurrensie...

Efkies dachte wae van de redaksie det Mario ging konkurrense mit Broekman Camping aangezeen dur eine caravan in zien wei geparkeerdjing. Of det dur get ónenigheid waas mit Sabine en det hae (of Sabine) mer in de caravan most euvernachte. Of det dae klómmel nog móst dreuge veurdet dur de stalling in ging. Enfin, wae weite ut nog steeds neet. Feit is det dae caravan inmiddels alweer pleite is.





# Druk Print Sign

**b-mediagroep**

Posthoornstraat 69  
6219 NV Maastricht

Draadbaan 39  
2352 BM Leiderdorp

085 - 210 35 30  
[info@bmediagroep.nl](mailto:info@bmediagroep.nl)  
[www.bmediagroep.nl](http://www.bmediagroep.nl)

**bm<sub>g</sub>**  
b-mediagroep

**tob**  
media

2023

2024

Dees

# VASTELAOVES GEZÉT

waerdj uch aangebooje door

Vastelaoves Vereinigung

## De Rabbedabben

Haler-Uffelse

### Donateur waere?

Wiltj gae es particuleer auch uch steinke biedraage aan de instandjhaoing van de Halerse Vastelaovendj, doneertj den

€ 11,-

op bankrekeningnummer NL 22 RABO 0138613532

Veur mieér info:

[www.rabbedabbe.nl](http://www.rabbedabbe.nl)

Redaksie:

Rik, Peter Paul

Lee-out:

Peter Paul

Foto's:

Peter Paul

Drukwerk: b-mediagroep



Vinj ós op

Feesbook

<http://www.facebook.com/pages/Vastelaoves-Vereinigung-de-Rabbedabben/217234991746623>



| KvK : 12068803 | Rabobank: NL22 RABO 0138613532 |

© 2023/2024  
V.V. de  
Rabbedabben